

AUGLÝSING

um gjaldskrá fyrir sundstaði í Reykjavík.

Einstakir miðar, fullorðnir	kr. 6.00
Einstakir miðar, börn	— 3.00
10 miðar, fullorðnir	— 40.00
10 miðar, börn	— 13.00
10 miðar, aldraðir	— 20.00
Gufubað	— 11.00
Leiga á handklæðum og skýlum	— 5.00
Sundnámskeið, fullorðnir	— 125.00
Sundnámskeið, börn	— 90.00
10 miða kort 16 ára og eldri, sundfélög	— 14.00
10 miða kort yngri en 16 ára, sundfélög	— 7.00

Gjaldskrá þessi staðfestist hér með samkvæmt lögum nr. 32 7. maí 1928 til þess að öðlast gildi þegar í stað.

Jafnframt er úr gildi felld gjaldskrá nr. 252 12. maí 1981.

Félagsmálaráðuneytið, 31. júlí 1981.

F. h. r.

Hallgrímur Dalberg.

Jón Sigurpálsson.

17. júlí 1981.

Nr. 463.

REGLUGERÐ

um leyfi til váttryggingarstarfsemi og skráningu í váttryggingarfélagaskrá.

I. KAFLI

Umsókn um starfsleyfi.

1. gr.

Hver, sem hyggst reka váttryggingarstarfsemi hér á landi, skal sækja um starfsleyfi.

Leiki vafi á um, hvort sækja þurfi um starfsleyfi skv. lögum um váttryggingarstarfsemi og reglugerð þessari, sker tryggingamálaráðherra úr.

2. gr.

Starfsleyfi er bundið við ákveðnar váttryggingargreinar sbr. 4., 5. og 6. gr. og er óheimilt að reka váttryggingastarfsemi í öðrum greinum en veitt hefur verið leyfi fyrir.

Sérhvert félag eða stofnun, sem leyfi hefur til að reka váttryggingarstarfsemi og hyggst taka upp nýja grein váttrygginga eða hyggst breyta starfsemi sinni í verulegum atriðum, skal sækja um leyfi fyrir hinni nýju starfsemi.

Starfsleyfi getur ekki náð yfir aðrar váttryggingargreinar, en þær sem rúmast innan tilgangs félags samkvæmt samþykktum þess.

3. gr.

Í umsókn sérhvers félags eða stofnunar um starfsleyfi, skal greina eftirfarandi:

- A. Nafn og starfssvæði.
- B. Tilgang félagsins.
- C. Hverjir séu stofnendur félags.
- D. Hvert sé innborgað hlutafé, stofnfé eða hverjar séu eignir erlends félags hér á landi.
- E. Hverjir skipi stjórn og varastjórn og hver sé fulltrúi váttryggingartaka og hinna tryggðu í stjórn.
- F. Hverjir séu kjörnir og/eða ráðnir endurskoðendur.

4. gr.

Félag eða stofnun, sem hyggst reka líftryggingarstarfsemi (frumtryggingar) skal tilgreina í umsókn þær váttryggingargreinar, sem sótt er um leyfi fyrir, samkvæmt eftirfarandi sundurliðun:

- A. **Frumtrygging.**
 - a. Einstaklingsbundnar persónutryggingar.
 - 1. Líftryggingar með sparifjármyndun.
 - 2. Áhættulíftryggingar.
 - 3. Sjúkra- og slysatryggingar.
 - 4. Slysatryggingar.
 - b. Hóptryggingar.
 - 1. Líftryggingar með sparifjármyndun.
 - 2. Hóplíftryggingar.
 - 3. Hópsjúkra- og slysatryggingar.
 - 4. Hópslysatryggingar.
- B. **Endurtrygging.**
 - a. Innlend.
 - 1. Einstaklingsbundnar persónutryggingar.
 - 2. Hóptryggingar.
 - b. Erlend.
 - 1. Persónutryggingar.

5. gr.

Félag eða stofnun, sem hyggst reka váttryggingarstarfsemi á sviði skaðatrygginga (frumtrygginga), skal í umsókn tilgreina þær váttryggingargreinar, sem sótt er um leyfi fyrir samkvæmt eftirfarandi sundurliðun:

- A. **Frumtrygging.**
 - 1. Eignatryggingar.
 - 2. Sjótryggingar aðrar en farmtryggingar.
 - 3. Flugtryggingar aðrar en farmtryggingar.
 - 4. Farmtryggingar.
 - 5. Ábyrgðartryggingar ökutækja.
 - 6. Ökutækjatrýggingar aðrar en ábyrgðartryggingar.
 - 7. Frjálsar ábyrgðartryggingar.
 - 8. Slysa- og sjúkratrýggingar.
 - 9. Aðrar greinar (sundurliðist).
- B. **Endurtrygging.**
 - a. Innlend.
 - 1. Persónutryggingar.
 - 2. Skaðatryggingar.

b. Erlend.

1. Persónutryggingar.
2. Skaðatryggingar.

6. gr.

Félag eða stofnun, sem hyggst reka váttryggingarstarfsemi á sviði endurtrygginga einvörðungu, skal í umsókn tilgreina þær váttryggingargreinar, sem sótt er um leyfi fyrir samkvæmt eftirfarandi sundurliðun:

- A. Innlend endurtryggingarstarfsemi.
 1. Persónutryggingar.
 2. Skaðatryggingar.
- B. Erlend endurtryggingarstarfsemi.
 1. Persónutryggingar.
 2. Skaðatryggingar.

II. KAFLI

Gögn er fylgi umsókn um starfsleyfi.

7. gr.

- A. Stofnfundargerð, stofnsamningur og samþykktir félags eða reglur, sem stofnun starfar eftir.
- B. Vottorð löggilts endurskoðanda um innborgað hlutafé, stofnfé (ábyrgðarfé) og eigið hlutafé.
- C. Sýnishorn allra váttryggingarskilmála, sem nota á.
- D. Sýnishorn allra iðgjaldaskráa, sem nota á og skýrsla um reiknigrundvöll þeirra með sundurliðun á einstaka þætti (áhættuiðgjald, öryggisálag og kostnaðarálag).
- E. Skýrsla um, hvernig endurtryggingum er háttað, og komi fram hvert sé hámark eigin áhættu.
- F. Reglur um tillög til varasjóða og annarra sjóða svo og ráðstöfun tekjuafgangs, og hvernig rekstrarhalla skuli mætt.
- G. Tilkynning til váttryggingarfélagaskrár.

8. gr.

Með umsókn líftryggingarfélags skuli auk þess fylgja eftirtalin gögn:

- A. Gögn, er sýni hver sé tryggingarstærðfræðingur (aktúar) félagsins.
- B. Reiknigrundvöllur iðgjaldasjóðs líftrygginga ásamt reglum um ákvörðun endurkaupverðs og um verð gjaldfrjálsra trygginga.
- C. Skýrsla um reiknigrundvöll ágóðaúthlutunar (bónus) til tryggingartaka.

9. gr.

Umsókn váttryggingarfélags fyrir nýjum greinum váttrygginga skulu fylgja eftirtalin gögn:

- A. Sýnishorn váttryggingarskilmála sem nota á.
- B. Sýnishorn iðgjaldaskráa, sem nota á og skýrsla um reiknigrundvöll þeirra með sundurliðun á einstaka þætti (áhættuiðgjald, öryggisálag og kostnaðarálag).
- C. Skýrsla um hvernig endurtryggingum er háttað og komi fram, hvert sé hámark eigin áhættu.
- D. Ef breyting á leyfi til líftrygginga leiðir til breytinga á reiknigrundvelli iðgjaldasjóðs líftrygginga, reglum um ákvörðun endurkaupsverðs, verði gjaldfrjálsra trygginga eða reikningsgrundvelli ágóðaúthlutunar til tryggingartaka, skulu fylgja gögn um þær breytingar.
- E. Tilkynning til váttryggingarfélagaskrár.

10. gr.

Með umsókn erlends váttryggingarfélags um starfsleyfi hér á landi skulu fylgja eftirtalin gögn auk þeirra gagna, sem talin eru í 7. og 8. grein og við eiga um starfsemi þess hér á landi:

- A. Ársreikningar félagsins í heimalandinu síðustu 5 ár undirritaðir af stjórn með áritun löggilts endurskoðanda.
- B. Vottorð tryggingaæftirlits eða viðkomandi ráðuneytis heimalandsins um, að félagið hafi heimild til að starfa í heimalandinu í þeim greinum váttrygginga, sem sótt er um starfsleyfi fyrir hér á landi og hafi haft slíkt leyfi í a. m. k. 5 ár.
- C. Skýrsla tryggingaæftirlits heimalandsins um athugasemdir, ef einhverjar eru, sem tryggingaæftirlitið hefur gert við starfsemi þess og rekstur í heimalandinu s. l. 5 ár eða vottorð um að þær hafi engar verið á þessu tímabili.
- D. Gögn, er sanni, hver sé aðalumboðsmaður félagsins hér á landi og hvar atvinnustöð hans sé.
- E. Yfirlýsing félagsstjórnar staðfest af notarius publicus, um að félagið hliti því að hafa varnarþing hér á landi, að því er varðar starfsemi þess á Íslandi.
- F. Vottorð er sanni, að hrein eign félagsins hér á landi nemi eigi minna fé en 350 000 nýkr.

III. KAFLI

Meðferð umsóknar um starfsleyfi.

11. gr.

Tryggingaæftirlitið skal kanna umsókn félags eða stofnunar um starfsleyfi og gögn þau er henni fylgja og athuga hvort umsækjandi fullnægji skilyrðum laga um váttryggingarstarfsemi og reglugerða settra samkvæmt þeim.

Ráðherra veitir félagi ótímabundið starfsleyfi, og að því fengnu má skrá félagið í váttryggingarfélagaskrá og hlutafélagaskrá eða aðra opinbera félagaskrá.

IV. KAFLI

Váttryggingarfélagaskrá.

12. gr.

Tryggingaæftirlitið heldur skrá, er nefnist váttryggingarfélagaskrá um öll þau félag og stofnanir, sem heimild hafa til að bjóða váttryggingar hér á landi.

13. gr.

Félag eða stofnun, sem tryggingamálaráðherra veitir starfsleyfi, skal þegar í stað vera skráð í váttryggingarfélagaskrá og hlutafélagaskrá eða aðra opinbera félagaskrá, ef um slíka skrá eru fyrirmæli í lögum.

Aldrei má félag eða stofnun hefja váttryggingarstarfsemi, fyrr en skráning í bæði váttryggingarfélagaskrá og hlutafélagaskrá eða aðra opinbera félagaskrá, svo sem lög segja til um, hefur farið fram.

14. gr.

Til váttryggingarfélagaskrár skal tilkynna eftirfarandi til skráningar þar:

- A. Dagsetningu stofnfundargerðar, stofnsamnings og samþykktá.
- B. Nafn og starfssvæði, lögheimili og varnarþing.
- C. Starfssvið og tilgang.
- D. Váttryggingargreinar.
- E. Skráð og innborgað hlutafé eða stofnfé (ábyrgðarfé) og eigið hlutafé.
- F. Stjórn og varastjórn.

- G. Fulltrúa váttryggingartaka í stjórn váttryggingarhlutafélags.
- H. Nöfn þeirra, er skuldbinda mega félag eða stofnun.
- I. Endurskoðendur.
- J. Tryggingastærðfræðing (aktúar), ef um líftryggingarfélag er að ræða.
- K. Aðalumboðsmann og atvinnustöð hans, ef um erlent váttryggingarfélag er að ræða.

Tilkynningar til váttryggingarfélagaskrár skulu gefnar á þar til gerðum eyðublöðum, sem tryggingaeftirlitið lætur í té.

Ennfremur skal skrá í váttryggingarfélagaskrá dagsetningu starfsleyfis.

15. gr.

Allar breytingar á samþykktum, hlutafé, stofnfé, stjórn, endurskoðendum og þeim, er skuldbinda mega váttryggingarfélag, svo og breytingar á öðru því, er skráð er í váttryggingarfélagaskrá, sbr. 14. gr., skal tilkynna innan mánaðar til váttryggingarfélagaskrár til skráningar og má eigi skrá þær í hlutafélagaskrá eða aðra opinbera félagaskrá fyrr en slíkt hefur verið gert.

Tilkynningum um breytingar skal fylgja endurrit úr viðkomandi fundargerð.

16. gr.

Ef tilkynningar fullnægja ekki fyrirmælum laga, reglugerðar þessarar eða samþykta félags eða ákvarðanir eru ekki teknar á þann hátt, sem ákveðið er í lögum eða samþykktum, má synja um skráningu.

Tilkynnanda skal skýrt bréflaga frá synjun og um ástæður til hennar.

17. gr.

Missi félag rétt til að reka váttryggingarstarfsemi hér á landi, verði gjaldþrota eða því slitið, skal þegar í stað má nafn þess úr váttryggingarfélagaskrá.

18. gr.

Birta skal árlega í Lögbirtingablaðinu skrá um félög þau, sem heimild hafa til að reka váttryggingarstarfsemi.

Ennfremur skal birta í Lögbirtingablaði tilkynningu um skrásetningu nýs félags í váttryggingarfélagaskrá og tilkynningu um að nafn félags hafi verið máð úr váttryggingarfélagaskrá og ástæður þess.

19. gr.

Brot gegn reglugerð þessari varða fésektum eða varðhaldi.

20. gr.

Reglugerð þessi, sem er sett samkvæmt heimild í lögum nr. 50/1978 um váttryggingarstarfsemi, öðlast þegar gildi. Jafnframt eru úr gildi felldar reglugerðir nr. 396 28. desember 1973 og nr. 315 18. október 1974.

Heilbrigðis- og tryggingamálaráðuneytið, 17. júlí 1981.

Svavar Gestsson.

Jón Ingimarsson.